


■ UDIN

Monitor trilingâl a palaç Antonini

Al è stât inaugurât lunis ai 17 di Dicembar il monitor trilingâl, talian-furlan-ingles, dedicât ae comunicazion istituzionâl dal ateneu (te foto), colocât inte jentrade di palaç Antonini. «Un imprest – al à dit il retôr de Uni-



versitât dal Friûl, Furio Honsell – che al zonte inovazion e grancj valôrs che a vegnin de storie e che a scugin jessi conservâts e tramandâts». La scree e je stade fate ae fin de consegne dai a-

testâts di partecipazion ae prime edizion dal cors «Comunicâ in lenghe furlane», organizât dal Centri Interdipartimentâl di ricercje su la culture e la lenghe dal Friûl (Cirf) de Universitât dal Friûl. Al cors, che al è durât 18 oris, a àn aderît 18 personis: dipendents publics, dirigjents scolastics, gjornaliscj e ricercjadôrs universitaris. La partecipazion e jere gratuite in grazie dai finanziaments de leç 482/99 su la tutele des minorancis linguistichis. «In chest moment storic – al à zontât Honsell – al è decisif promovî la lenghe furlane e contribuî al so sorevivi come lenghe veicolâr. Dome doprant il furlan come mieç di espression che al à une só atualitât si contribuîs a tramandâ cheste ricjece aes gjenerazions che a vignaran». Lis lezions e lis ativitâts di laboratori a àn rivuardât la comunicazion intes lenghis minoritariis, il funzionament dai sistemis radiotelevisîfs e la produzion cinematografiche in lenghe furlane.